



Daifim


An Official Organ of YMA, Khuangpuilam Branch.

YMA MOTTO



Hunawl hman that
Zofate hmasawnna ngaihtuah
Kristian nundan tha ngaihsan

Khawchin : Source - Accuweather.com



Ruah tlem a tla mai thei.
Temp - Max: 25°C Min: 16°C
Dar 5:35-ab ni a chhuak ang a,
Tlai Dar 5:25-ab a tla leh ang.

Vol - VI Issue No. - 7

- Vau Thla -

8th March, 2020 (Pathianni)

Tunkar chang vawn : 1 Joh. 4:7

"Duh takte u, i inhmangaih tawon teh ang u; hmangaihna chu Pathian a?anga lo chhuak a ni si a; tu pawh hmangaihna nei chu Pathian hrin an ni a, Pathian an hre bawok a ni."

TUALCHHUNG CHANCHIN

☛ Pu HD Daniel-a, Branch YMA President, chu a u Pu Laleng-mawia boral avangin Sakawrdaiah a kal a, Ningani khan tluang takin an rawn let leh.

☛ Pu Lalremsiama Varte, Br. Secretary chuan B.Ed tha takin a zo a, kan lawmpui hle. Tin, I&CT training, MZU neihah a han tel bawok a ni.

☛ Pu Rotlingpuia, Br. Fin. Secy chu a nuamsam meuh lo ni a hriat a ni a. A dam that thuai kan duhsak e.

☛ Pu GS Zaithantluanga, Br. Treasurer hlui, chuan 'Leading Educationist of India Award' a dawng a. Sikkim Governor-in chawimawina hi a hlan a ni.

☛ Pu H. Lalmuanpuia, BEC member, chu Biopsy result atangin a cancer tih hriat a ni a. Ningani khan Cancer Hospital, Zemabawkah *Chemotherapy* lain, niman khan an rawn haw a ni.

☛ Pi Zomuani, Vanapa Section, chu tluang taka a hnute zai a nih hnuin ni Thawhtanni khan a rawn haw a ni. Damna chang chho zel turin duhsakna kan hlan e.

☛ Pu Ramngaia, Khuangchera section, chu kar khat vel damdawi ina a awm hnuin a rawn chhuak tawh a ni. A dam that zel kan duhsak e.

☛ Pi Lalthanpuui, Pu HD Daniel-a fanu, chu Falkawnah a chhul bawok paih a ni a. Nilaini khan damdawi in atanga chhuakin Ningani zan khan an rawn haw thla nghal a ni. Damna chang zel turin duhsakna kan hlan e.

Kan then tak

✚ Pu T. Lalrinawma chuan ni 3.3.2020 khan chatuan ram min pansan a.

A kalsan tak a fate leh a laina zawng zawngte'n Pathian awmpuina leh thlamuanna an dawn kan duhsak tak zet a ni.

Ropui takin Chapchar Kut hman a ni.

Dated Khuangpuilam, the 8th March, 2020 (Pathianni) :

Vau thla ni 6, 2020 (Zirtawpni) khan Kolasib District Chapchar Kut 2020 lawmna chu Diakkawn khelmual, Kolasibah neih niin Minister Pu Lalruatkima chu Kut Pa a ni a, Mizo tlawmngaihna chawi nungtu ni zel turin Kut lawm a kalkhawmte chu a chah.

Kut Pa, Pu Lalruatkima chuan kan pi leh pute hunlaia Chapchar Kut hman tan a lo nih dan tlangpui te sawiin, kum 1974-a Art & Culture department pian hnuah pheii chuan ram pumah mumal taka hman a lo nih chhoh tak thu a sawi a, "Mizo hnam ziarang vawn himna atan mai bakah ram pawn atanga zin mite hipna hmanraw pawimawh taka kan hmang ta zel hi a lawmawm hle a ni," a ti. Minister chuan khawvel hmasawnna hrang hrang avang a kan hnam ziarang tha tam tak te kan kalsan mai loh nan Chapchar Kut 2020 thupui 'Zonun ze mawi chawisan' tih kan hmang chu a pawimawh thu a sawi a, Zonun ze mawi - tlawmngaihna, rinawmna, taimakna, dikna, huaisenna leh mite tan a inpekna te hi uar zawka tilangtu ni turin Kut chhimtute chu a chah a ni. Pu Lalruatkima chuan khua leh tui tha ni tur a mi tinin mawhphurhna kan neih ang angte chu hlenchhuak theuh turin a chah a, faina lama hmasawnna uar turin leh ram kang tur ven kawngahte kan phaktawh theuh ah tan la tlang turin a chah bawok.

Kut Thlengtu Pi Sangchhin Chinzah, Deputy Commissioner, Kolasib District chuan kalkhawmte lawmna thu sawiin Chapchar Kut 2020 lawmna hun chu Zonun ze mawi, aia upa zah thiamnate, tlawmngaihna leh rinawmna te lanchhuahtirna hun leh inzirtirna hun thaa hmang turin kalkhawmte a sawm bawok a ni.

Pu C Liankunga, Chairman, Kolasib District Chapchar Kut Working Committee, pawhin thu sawiin Chapchar Kut chu mizo hnam ziarang phochhuahna hun pawimawh tak a nih bakah khawtlang inpumkhatna atan a hun tha a nih thu a sawi a. Kolasib district Chapchar Kut lawmna atan a khawtlang tlawmngai pawl hrang hrangte thawhrimna leh Kolasib district a sawrkar hnathawkte inpekna fakawm a tih thu a sawi bawok.

Kolasib District Chapchar Kut lawmnaah hian mizo hnam lam hrang hrangte entir a ni a. Kolasib District chhunga zaithiam ten hun hmangin Kut puala thlalakna tur hmunte siam a ni bawok a ni. Kut lawmnaah hian chaw fak hun te siam niin kut chhimtute chuan chaw an fun a, a duh apiangte tel theih turin chai hunte siam a ni. Kolasib district tihmingthatu a thlanchhuah Nula Lalremsiami, FIH Women's Rising Star of the Year Award 2019 hnenah chawimawina hlanna hun hman a ni bawok a ni.

Mi inphal pung zel

Bungraw in sak hna pawh kalpui chhoh zel niin kar liamta khan a ban chhun leh tie-beam chhun hnatlang neih a ni a. Member thawk-chhuakte chungah Branch hruaitute'n lawmthu an sawi a. Tin, thingzai engemaw zah petu Pu Lalhmachhuana, VC member leh thingzai hawhtirtu Pu AC Vanlalthuma, Br. Vice-President kalchhuak ta chungah lawmthu an sawi bawok a ni.

Kawng zauh hna kalpui dawn

Sawrkar hmalaknain khaw chhung kawng tihzauh hna a kalpui turah kan veng chu hmalakna hmasak ber turah a tel a. Kawng zau tha kan neih theih nan PWD department leh VC-te hmalakna jawiawm a, kan hmunhma te kan ui loh ngam a pawimawh hle dawn a ni.

YMA chu tanpui ngaite tanpuitu a ni. – YMA Kumpuan : Zirna uar

Editorial Board :

Represent: Pu Rotlingpuia
Editor: Pu Ricky MS Dawngzela
Jt. Editor : Pu Lalsiamkima
Treasurer: Nl. Florence Zoremsangi
Cir.Manager : Tv. Samuel Lalpekhlua
Contact No: 9862501858 / 9612691291
9612761781 / 7005494983

FLS Station - 9612566886

Chawngbawla Section

Leader : Pu F. Lalbiaksanga
96121 55162
Secretary : Tv. R. Lalnuntluanga
82599 60032

Vanapa Section

Leader : Pu Lalchuaailova
87300 99599
Secretary : Tv. Lallawmzuala
87875 41803

Khuangchera Section

Leader : Pu Lalramzaaua
76408 95924
Secretary : Pu Zachungnunga Hrahse
76299 69989

Editorial.....

Chapchar kut hmang turte'n vahchap, lo vah, chapchar awllen awmzia an hriat hmasak kher a ngai lo; an hrechhawm dawn. 'Thangchhuah diat' khim turin thangchhuah ve kher a ngai heklo; in lama thangchhuah theih vek a ni lo, ram lama thangchhuah phei chu Forest Department-in an phal tawh heklo.

Mizote hi hnam dangin min chiahpiat tak avang nge kan dazat hle hian a lang thin. Kan hnam kut neih ve te pawh inti engemaw taka lo sawisel vak a, a tluang lam aia a kheuhbeuh lama lo thli hram duh kan kat nuk mai.

Chu mai a ni lo, thiamna leh finna kan chaw lut e tiin mahni hnam tawng leh tih dan phung siam that/ tih danglam phet tum pawh sawi tur kan tam ta. Kan tawng kauchheh leh kan ziah dan thin han sawisel kual a, han tihdanglam vel hi mi thiam nihna emaw ti kan kat nuk ta mai. 'Mizoram' tih pawh hi 'Mizo ram' tia thlak daih hi tun dinhmun en chuan kan hlat lo.

Kan hnam nunphung, tihdan phung leh kan tawng hi kan humhalh tur a ni. Humhalh tura siam danglam a ngai kher lo. Kan pipute nun dan maw kha a Kristian em em a, tihdan phung an neih erawh Kristianna nen inhmeh tawh lo erawh a awm. Kan pipute khan hnamdang tawng atangin thumal an chher a; keini erawh chuan kan thumal neih sa kan suasam ta!!

Daim semtute

Chawngbawla Section :

1. Jonathan, Upper Kolasib - 25 copies
2. Pekkima, Biakin Mual - 45 copies

Vanapa Section

1. Sangrema, Soil Mual - 32 copies
2. Tetea, Highway - 50 copies

Khuangchera Section

1. Lalruatfela, Coffee Huan Mual - 30 copies
2. Thanglalbiaka, Shalom Mual - 30 copies
3. G.Muana, TNT- Judicial Qrtts - 30 copies

Branch YMA Office Bearer

President Pu HD Daniala 9863212083	Secretary Pu Lalremsiama Varte 9862327112	Treasurer Pu David lalrosanga 9436158962
Vice President Pu S. Lalthangliana 8787326114	Assistant Secretary Pu Lalnunhlua 9366270802	Financial Secretary Pu Rotlingpuia 9862385193

Kohhran Huang

PRESBYTERIAN CHURCH

Presbyterian Kohhran

Nizan atangin Pastor Bial fan Programme hman a ni a. Pastor hian vawin chawhnuah Baptisma Sacrament a buatsaih dawn bakah zanah Pathian thuchah a sawi baw ang.

UPC (NEI) Kohhran

Ni 27.2 - 1.3.2020 khan UPC North Mizoram District Conference vaw 70-na 'Platinum Jubilee' ni baw chu Aizawl Bawngkawn Cultural hall-ah neih a ni.

Thawhtanni khan Pentecostal Man Fellowship-in sum tuak hnatlang an nei a, an phur thar hle ni a hriat a ni.

Tunkar Zirtawpni zan atan khian Khuangpuilam kohhranin bial LAD inkhawm pui an Biakinah an dawng dawn baw a ni.

UPC (Mizoram) Kohhran

Chawhma lamah Sunday School neih a ni anga, chawhnu leh zan lamah Sermon inkhawm an nei leh ang.

CYMA hmalakna

29.2.2020: CYMA hnuia Health & Sanitation Sub-Committee, Land & Building Sub-Committee, CYMA Office leh Press Staff te'n CYMA Office Complex tihfai hnatlang an nei a. Prof. Lalnuntluanga, Gen. Secretary leh CEC atangin Pu Chawngthankima, Pu F. Lalfakawma, Pu Lalchuanmawia leh Pu C. Lalhmunliana ten an ho.

- CYMA hnuia Vigilance Sub-Committee ten Aizawl khawpui chungu hnamdang dan lova sumdawng nia rinhle survey hnatlang an nei.

3.3.2020: SAD Conference Hall-ah Chapchar Kut 2020 Organising Committee meeting neihah CYMA OB-te an tel.

- Khatla Branch YMA-in CYMA Hall-ah Kumpuan hawn leh Leadership Training an nei a. Kumpuan hi Tv. Lalhmachhuana, Vice President-in a hawng a; CEC atangin Pu K. Lalthanmawia, Pu Lalrinmawia, Tv. Zochhuana, Pu R.S. Lalrinsanga, Pu F. Lalfakawma, Pu Danny Lalzarliana, Pu H.F. Lalrinpuia, Pu Joseph Lalnunmawia, Pu C. Lalhmunliana ten an tawiawm.

Kum 2020 Khuangpuilam branch YMA

Chhiatni Fund khawn dan tur

Chhiatni fund hi BEC-in a lo rel tawh angin BEC Member-te'n khawn nise tih a ni a. Hetiang hian Bial leh khawn dan tur siam a ni a. March thla chungin Br. Finance Secretary hnenah Receipt nen thelute ni se a lawmawm hle ang.

Tin, Section Hruaitu, Chhiatni Fund lo dawng kan awm chuan a rang lamin an Bialtute hnenah thelute (Submit) ni se a lawmawm hle ang.

Bial 1-na : Diakkawn H/S atanga Pu PC Hmingthanga In	Pu H. Zachungnunga
Khawntu : Pu Vanlalrova & Pu H. Lalmuanpuia	Bial 7-na : Pu Lalhmachhuana In atanga Pu F. Lalbiakliana In
Bial 2-na : Pi Lalmuangsang In atanga Pu S. Lalthangliana In	Khawntu : Nl. Zingromawii & Nl. Thuthlungkimi
Khawntu : Pu F. Lalbiakliana & Tv HS Bulthanga	Bial 8-na : Pi Remi In atanga Coffee mual (Thlanmual Thleng)
Bial 3-na : Pu Vungkhawliana In atanga Pu C. Siammawia In	Khawntu : Pu H. Lalroliana & Pu AC Vanlalhuma
Khawntu : Pu Lalramzuava & Nl. Vivian Lalrinpuui	Bial 9-na : NR Hall Mual atanga Shalom Peng
Bial 4-na : Pu S. Thanchungnunga In atanga Pu B Vanlalawia Motor Silna	Khawntu : Pu F. Lalbiaksanga & Nl. Florence Zoremsangi
Khawntu : Pu Lalchuaailova & Pu Lalruatkima	Bial 10-na : Shalom Mual atanga Mizofed
Bial 5-na : Sub-Centre atanga Excise Peng	Khawntu : Pu Malsawmtluanga & Tv. R. Lalnuntluanga
Khawntu : Pu Samuel VanlalRemruata Pu C. Vanlalruatkima	Bial 11-na : Mizofed atanga TNT mual Khawntu : Pu PC Ramluahthanga & Tv Lallawmzuala
Bial 6-na : Excise Peng atanga Excise Tlang	Bial 12-na : SP Quarter atanga Chhim lam zawng
Khawntu : Pu HD Vanlalhriata &	Khawntu : Pu Ricky MS Dawngzela & Pu Remlala

Kristianna hian kan hnam nun a paih lo a, a vawng him zawk a ni.

Kan khawvel lo danglam zelah hian kan ngaihhlut zawng (value system) leh khawsak duhdan (way of living) pawh a danglam lo thei loa. Hetiangah danglamna lian tak lo thlengah hian nawmsipbawlina leh inthlahdahna (indulgence), mawhphurhna tel loa zalenna (freedom without responsibility), hlemhlethna (corruption) te kan khawtlangah a lo thlena. Tunah pawh hian nasa takin heng harsatna hrang hrang hian kan ram a tuam mek zawng anih hi. Heng harsatna te hi ram hmasawwna ina a rawn thlen chu ni tho bawh mahsela, a tur reng emaw ti a ngaihthah chi erawh ani hauh lo. Heng harsatna te hi kan sutkian leh kan ram hi a dingchhuak anga, kan sutkian theihloh chuan kumkhuain kan ram chu retheihna salah awmin chimral kan ni thuai mai dawn a ni. Changkanna leh hma kan sawwna avanga kan hnam tihphung tam tak kan thlauhthlak awm mahse, kan la chhawm nun ve hram hram ho ah tal hi chuan tan laka theihtawp kan chhuah thar hi a hun takzet a ni.

‘Tun’ hun hi a pawimawh a, vawiina ka nun dan hian nakina thangthar lo la awm leh zel tur te tan rahtha a chhuah dawn a ni tih hriaa, Zofate tan nun zemawi tak chhawm nuna alo awm zel theih nan a hnuaia chhan hrang hrang hman hian ngaihtuahna i han seng tlang teh ang u.

1) Mizo Kristiante hmasawn zel nana pawimawh ber chu ‘Kristian Nun’ hi a ni. Khawvel pumah hian Kristian percent sanna ber, thilpek rawngbawlina lama ti tha ber leh Mission rawngbawlina lamah pawh hma la nasa ber kan ni hial awm e. Pathian chu hmangaih Pathian anih avangin unaute, thenawmte leh thenrualte hmangaih turin min duh a. Mite fel lohna leh dik lohna in sawi sak kan chin em em te hi hmangaihna vang a ni thei dawn em ni? Bible in hmangaihna nihphung a sawi: dawhtheihna, ngilneihna, khawngaihna leh beiseina te hi ‘Zonunmawi’ chhawm nun zel nan a va remchangin a va inhmeh tehlul em.

2) Mizote hian Kristian sakhua kan vawn hma pawh khan nun dan tha, Pathian thu nena inmil tak kha kan lo nei vek mai alo ni a. Amaherawhchu, Kristianna avanga Bible hi kan nun hruaitu atana kan pawm tak achinah chuan, Mizo hnam nun leh tih dan hi Bible nena kan en mil fo hi a tul ta a. Kan pi leh pute thufing leh serh leh sang tam tak kha Bible zirtirna nena kalkawp thei leh a then chu Bible zirtirna eng atanga siamthat theih tam tak a awm bawh a ni. Kan chenna khawvel a danglam ang zelin hmana thil tha kha vawiinah hian a tha ber kherlo thei tih hi kan hriatreng a tha. Hmanlaia kan tih thin dan anih avanga rem leh remloa kan vawiin nuna suanluh kan tum phet thin hi chu a hahthlak deuh thin. Bible zirtirna leh vawiina kan mamawh ngaihtuah chungin Mizo nihphung leh hnam zia hi uluk taka zir zawk a pawimawh. Kan changkan ve tak deuh avang hian kan ze hlui kha thlauh thlak vek lam kan sawi mawi ani loa, kan chenna khawvel danglam ang zela kan inher rem thiam zawk hi a tul a ni.

3) Kan hnam zia leh nihdan thenkhat chu tunlai hian an hman theih tawh loh mai a ni lova, kawng thenkhatah chuan kan hmasawwna daltu an lo ni zawk thei ta hial mai. Chanchin tha lo luh rualin Western culture a rawn lut a. Chu chuan nasa takin Mizo hnam a rawn su, mahse Mizo kan nihna kan paih theih chuanglo. Sakhaw thar kan vuana, kan hnam nun phung thenkhat kan paih a, kan rindan a danglama mahse – hma kan sawn si! Hmalam pan dawn chuan thlauhthlak leh siamdanglam

a awm angai tlat si ani tih hi i hre thar ang u.

4) Changkanna in a kan Zoram khawvel a tihdanglamna pakhat leh chu kan eizawwna a ni. Hausa kan tih zawng leh kan tehna a danglam ta. Hausak kan tum dan pawh a danglama, eichawpa eizawng thin khan neih tamloh hlauvin kan inchhek lawk ta hnur hnur maia. Sundawn kan in tih hmuha, chumi kawnga in elna chuan duhamnaah min hruai luta, midang ngaihtuah lek loin a ruh no no chhuakah kan tit a mai a. Nimahsela hei pawh hi kan tunlaina (modernization) in a rawn ken tel a nih miao avangin engtikah mah a bo dawn chuanglo. Chuvangin mahni kan pawimawh leh ta, kan eizawwna kawng tin rengah tih dan tha tungdinga, tih dan thalo thlauhthla ngam kan nih a va pawimawh em. Changkanna chuan kan duh leh ngaihsan zawng min thlaksakin, khawtlang inpumkhatna, in unauna leh khawsak hona min tihchhiat saka. Rilru chhunggrila tlawmngaihna tak taka wm mang siloin kan ‘tlawmngaia’ a chang chuan atthlak ka van ti thin. Chhiat ni thatni ah nise engkim hi kan ngai neiha, nihna leh tihluhna avanga thahnem kan in ngaih siak chang hi a tam a ni.

Mahse, khing zawng zawng khi kan nihphung ani lo a. Tunlaina leh changkanna te hmun kan kian hnem lutuka an lo langsar ta zawk mai mai alo ni. Mizo kan nih chung chuan Zonunmawi hi kan nunah a bet reng dawn. Mahse a mawina hliah tura hnimhnawh lo vul ve chhen ho hi a then erawh kan taimak a ngai mai chauh alo ni.

5) Indian nih duh lo, ni bawh si. Mizo nun ze dik tak nunpui duh , mahse a tak ram hlat si. Tribal nih duh si lo, ni bawh si. Rilru changkan, mamawh leh duh ngah mahse thawhchhuah nei bawh silo. Thingtlang lo neiha eizawn ning; mahse, thlakna tur dang hre chuang bawh silo hnam kan ni ta ringawt mai.

Kan hnam hi kan zahpuia, kan nihna lo puia lan kan tum chung chuan eng ram ropui mah kan thleng dawnlo tih i hria ang u. Mahni nihna lo puia lan tumna hian kan hnam than a ti thuanawp khawp mai nia. Mi ram neih loh, mi hnam neih loh ze duhawm tak tak nunzemawi kan neih ve te hi zahpui loa, a buaipui hmasak loh tur zawk buaipui hi i sim ang u. Hei lo ram dang kan neih loh hi.

A tawp berah chuan, kan ram harsatna hrang hrang kan sawi tak te kha kan ram tichhe theitu an ni tih kan hriat reng a pawimawh a. Kan hnam zai tluchhe mai tur tungding tur leh, thlafam chang mek ‘Zonunmawi’ din thar leh tur hian nang leh kei lo chu tumah dang an awm lo ve.

CHANCHINTHAR

DC Charge hlan:- Kolasib Bawrhsap Pi Sangchin Chinzah chuan 4/3/2020 (Nilaini) aţang khan Addl. DC Pu Lalsangzuala Chhakchhuak hnenah DC charge a hlan. Tarlan tawh angin Pi Sangchin Chinzah hian P.H.E Secretary hna a chelh dawn ani.

Investigation Wing din thar:- CID (Crime) hnuaiah Investigation Wing din thar niin, thawktu mi pasarih- Inspector pahnih, Sub-inspector pahnih leh Assistant-Sub-Inspector, head constable leh constable pakhat theuh an awm. He Investigation Wing hian Mizoram thubuai lian tham - bomb puak, tualthahna, pawngsual, Intellectual Property Right bawhchhiatna, economic crime cheng nuaih 500 chin, pawisa lem leh mihringa sumdawna, insuam leh thubuai lian tham thuneituten chhui ngai an tilte an bawhzui thin dawn a ni.

GoAir in Aizawl leh Delhi inkar Service dawn:- General Administration Department hnuaia Aviation Wing hotute tarlan danin, Dt. 29/3/2020 aţang hian GoAir chuan A320 Airbus chu Delhi aţangin chawhma dar 10:50 a lo chhuakin, chawhnu dar 1:30 ah Lengpui Airport ah lo tum turin an ruahman a, Chawhnu dar 2 ah Lengpui aţangin a thlawk chhuak leh anga, tlai dar 3ah Guwahati ah a tum leh phawt ang a, Guwahati aţangin tlai 3:30 ah thlawk chhuakin, tlai 6:15 ah Delhi ah a tum dawn a ni. Delhi - Lengpui inkar chuan man chu Rs. 3,476/- a ni anga, Lengpui - Delhi chuan man chu Rs. 4,000/- a ni thung ang.

SC in cryptocurrency hman phal turin RBI a hriattir:- RBI-in kum 2018 aţanga ramchhunga cryptocurrency hman a phal loh chu Ni 4/3/2020 (Nilaini) khan Supreme Court(SC) chuan cryptocurrency (Bitcoin pawh telin) hman remti turin RBI a hriattir. Cryptocurrency hi digital token emaw virtual currency emaw tih a ni a, Bank ngai kher loin hemi hman hian online -a pawisa in pek (transfer) zung zung theih a ni. Internet-a blockchain hmanga him tak leh awlsam taka digital assets kan tih ang chi inthleng zung zung theihna a ni. Ramdangah chuan a bikin sumdawngten an hman tangkai hle a ni. Tuin nge cryptocurrency hi siam chhuak tih hriat chian ni lo mahse, kum 2008 oct thla khan mi pathum awmna group Satoshi Nakamoto chuan currency bitcoin an siam chhuak tih an tarlang a, hemi hnu aţang hian cryptocurrency tih hi hman uar chhoh a lo ni ta a ni.

India ah Unemployment rate 7.78% in a san belh:- Centre for Monitoring Indian Economy (CMIE) -in data a tih chhuah atanga lan danin tun Feb 2020 thleng khan India ram chhunga unemployment rate chu 7.78% ah a kai. A hma a unemployment rate 7.16% chu a rawn khum chho a ni.

Covid 19 lakah naupangte him nan thuchhuah siam:- National Commission for Protection of Child Right (NCPCR) chuan nilaini khan India ram state leh U.T zawng zawng chief secretary leh administrator -te chu a tul anga school -a Covid 19 hri darh loh nana hma la turin a hriattir. Heng thurawn a pek te hi State Health Department ten District Education Officer (DEO) te hnenah hriattirin, heng DEO te hian thurawn an dawn angin school-a naupangte him zawk nan hma an la dawn a ni. Ministry of Health and Family Welfare chuan school kal laia mahni class room lova naupang tam tak punkhawm khap turin a hriattir a, ni 28 kaltaa zirlai emaw zirtirtu emaw school-a hnathawkte chu Covid 19 darhna hmuna zin chu enfiah leh ni 14 in lama enkawl zui turin a ti baw.

WHO tarlan danin china ram pawnah vei thar mi 2,100 an awm tawh a, hri kai hi 12,600 an chuang tawh baw tih. Ni 5/3/2020(Ningani) thleng report a lan danin Covid19 hi ram 85 ah a darh tawh a, a kai finfiah tawh hi mi 95,512 awmin mi 3,286 in an thihpui tawh. Covid -19 vanga thi hi a kai zat aţanga 3.4% in an thihpui ani. Hetihlai hian India ramah mi 28 in an vei tawh a, heng zinga mi 16 te chu Italy mi an ni. Heng zinga Kerala mi pathumte chu enkawl dam an ni tawh a ni.

Kolasib Diagnostic Centre

Dr. Hlimpuia Building
Venglai, Kolasib

Heng - Endoscopy HD quality, Digital X-ray
300ma with laser printing, 3D/4D Ultrasound
(15-5)

Kim Kim Laboratory

Banglakawn, Kolasib

Dr. Hlimpuia Clinic-ah
thisen leh zun a test theih e.
Dawr rawn kal thei lo kan pan thei baw.

Ph : 8413933536 (6-5)

I insak a lo tlo zawk nan
Cement tha leh rintlak, Cement thar tha
Company direct, Original Cement
chauh hman thin ang che.
Kolasib-a Distributor awm chhun kan ni.
Kan Cement hi a thar that avangin
a hman tawh chuan an zawngchhang tlangpui.
Tin, Balu tha leh Brick No. 1
pawh kan nei baw e.

I mamawh chuan min rawn call rawh le



Ph : 9856333835

AR EL Agency

(6-5)

KHIANGTE SUZUKI

Access 125 BS6, Burgman 125 leh
Gixxer New Model stock kan nei reng e.
Spare parts leh Servicing-ah buaina a awm lo.
Honda Dealer kan ni baw a,
duhthlan tur hrang hrang kan nei e.
Min dawrtute Registration
kan buaipusak thei nghal baw e.
Motor Insurance pawh kan tithei e.



Khiangte Suzuki
Diakkawn, Opp KCN Building
Contact : 9862348009
7005612620

(9-5)

**Chawngbawla Section chung bial then dan leh
bial vawng tu turte:-**

- (i). Bial-I (Diakkawn H/S - Pu PC Hmingthanga In Cosmopolitan kawngpeng huamin):
Pu FLalbiaksanga, Pu Lalsiamkima, Pu Lalchhanhima, NI. Florence Zoremsangi, NI. Mary Lalchhanhimi, NI.K.Zaithanmawii.
- (ii). Bial-II (Pi Lalmuanpuui - Pu S.Thangliana In):
Pu B.Ramdinliana, Pu R.Lalremliana, Tv H.Lallungmuana, Tv lalzarthanga, Tv Lalenglima, NI Malsawmtluangi Pachuau.
- (iii). Bial-III (Pu Vungkhawliana - Pu C. Siammawia In):
Pu Samuel Vanlalremruata, Pu Carey Lalrinawma Sailo, Tv R.Lalnuntluanga, Tv Laldusaka, Tv Samuel Lalpekhlua, NI Rosie Lalrinkimi.
- (iv). Bial-IV (Pu S Thanchungnunga - Pu B Vanlalawia Motor silna):
Pu C Vanlalruatkima, Pu H Lalmuanpuia, Pu Lalthanzama, Tv Benjamin Lalthanzuala Sailo, NI Lallawmtluangi, NI Lalthakimi